

LIGJI NR. 08/L-199

PËR NDRYSHIMIN DHE PLOTËSIMIN E LIGJIT Nr. 05/L-060 PËR MJEKËSINË LIGJORE

Kuvendi i Republikës së Kosovës:

Në bazë të nenit 65 (1) të Kushtetutës së Republikës së Kosovës,

Miraton:

LIGJ PËR NDRYSHIMIN DHE PLOTËSIMIN E LIGJIT Nr. 05/L-060 PËR MJEKËSINË LIGJORE

Neni 1 Qëllimi

Qëllimi i këtij ligji është ndryshimi dhe plotësimi i Ligjit nr. 05/L-060 për Mjekësinë Ligjore (në tekstin e mëtejme: Ligji bazik).

Neni 2

1. Neni 2 i Ligjit bazik, paragrafi 1, pas nënparagrafit 1.6 shtohet nënparagraf i ri me tekstin si në vijim:

1.6a. Certifikata e Identifikimit - dokument identifikimi për mbetjet mortore të rasteve të luftës në Kosovë, që përmban përveç tjerash kohën dhe vendin e zhdukjes, si dhe vendin e varrimit.

2. Neni 2 i Ligjit bazik, paragrafi 1, nën paragrafi 1.9 riformulohet si në vijim:

1.9. Nëpunësi i Shërbimit Publik - punonjës i cili në mënyrë jo të drejtpërdrejtë kryen punë dhe detyra lidhur me ekzaminimin mjeko ligjor në pajtim me legjisllacionin në fuqi për zyrtarët publik.

3. Neni 2 i Ligjit bazik, paragrafi 1, nën paragrafi 1.10 riformulohet si në vijim:

1.10. Toksikologjia Mjeko Ligjore – analiza e mostrave biologjike të marra gjatë autopsisë ose tek personat e gjallë për gjetjen dhe interpretimin e prezencës së substancave të dyshimta toksike.

Neni 3

Pas nenit 2 të Ligjit bazik, shtohet neni ri me tekstin si në vijim:

Neni 2/A Parimet e punës

1. Ekzaminimet mjeko ligjore kryhen duke u udhëhequr nga parimet themelore, si në vijim:

1.1. ligjshmëria;

1.2. barazia;

1.3. gjithëpërfshirja dhe jo diskriminimi: standarde të barabarta në shërbimet mjeko

ligjore për të gjithë qytetarët dhe banorët pa diskriminim në bazë të gjinisë, kombit, racës, ngjyrës, gjuhës, fesë, bindjeve politike, gjendjes sociale, orientimit seksual, shkallës së aftësive fizike dhe mendore, statusit familjar dhe moshës;

1.4. cilësia - aplikimi i standardeve ndërkombëtare në organizimin, zhvillimin, dhe ofrimin e shërbimeve mjeko ligjore përkitazi me të gjitha aspektet;

1.5. llogaridhënia, ndershmëria;

1.6. bashkë-përgjegjësia dhe solidariteti.

2. Ministria e Drejtësisë nxjerrë Kodin e Etikës për të punësuarit në Institutin e Mjekësisë Ligjore (në tekstin e mëtejme: Instituti).

Neni 4

1. Neni 7 i ligjit bazik, nënparagrafi 1.3, ndryshohet si vijon:

1.3. në raste të veçanta, kufizimi i afatit të përcaktuar në nënparagrafin 1.2 të këtij neni, mund të zgjatet pas miratimit me shkrim të drejtorit të Përgjithshëm të Institutit dhe eksperti mjekoligjor e njofton me shkrim, pa vonesë, gjykatën apo prokurorin e shtetit.

2. Neni 7 i ligjit bazik, pas paragrafit 2 shtohet paragraf i ri si në vijim:

3. Nëse raporti mjeko ligjor nuk finalizohet sipas afatit të përcaktuar në paragrafin 2 të Ligjit bazik, paraqet mos përmbushje të detyrave të punës nga nëpunësi i Institutit dhe do të trajtohet sipas legjislationit përkatës në fuqi.

Neni 5

Neni 8 i Ligji bazik, paragrafi 3 riformulohet si në vijim:

3. Instituti i dorëzon Policisë gjësendet që gjenden në trupin e kufomës duke përfshirë rrobat dhe gjësendet personale që janë në interes të zhvillimit të procedurës hetimore pas konsultimit paraprak me prokurorin e shtetit.

Neni 6

Neni 11 i Ligjit bazik, pas paragrafi 3 shtohet paragrafi i ri me tekstin si në vijim:

4. Të gjithë të punësuarit, kontraktuesit dhe personat e tretë që kanë qasje në hapësirat ose dokumentet e Institutit, janë të obliguar të nënshkruajnë Deklaratën për ruajtjen e fshehtësisë.

Neni 7

Neni 14 i Ligjit bazik, paragrafi 1, fjalët "si organ qendror i administratës në varësi të Ministrisë së Drejtësisë", zëvendësohen me fjalët "agjenci ekzekutive, e cila ofron shërbime mjeko ligjore në pajtim me ligjin".

Neni 8

Neni 15 i ligjit bazik, nënparagrafi 1.6, ndryshohet si vijon:

1.6. bashkëpunon me institucionet tjera për çështje profesionale, arsimore dhe shkencore hulumtuese, në pajtim me ligjin;

Neni 9

Neni 17 i ligjit bazik, paragrafi 2 fjalët “në Shërbimin Civil të Republikës së Kosovës” zëvendësohen me fjalët “ për zyrtarët publikë.”

Neni 10

Pas nenit 17 të Ligji bazik, shtohen nenet e reja me tekstin si në vijim:

Neni 17/A Akreditimi

1. Laboratorët dhe hapësirat e tjera mjeko ligjore të Institutit duhet të akreditohen dhe mirëmbahen sipas standardeve ndërkombëtare.
2. Procedurat për akreditim në pajtim me standardet ndërkombëtare dhe afatet për akreditim do të rregullohen me akt nënligjor të nxjerrë nga Ministri i Drejtësisë.

Nen 17/B Sistemi i menaxhimit të cilësisë

1. Institutit për të përmbushur misionin, krijon dhe mirëmban sistemin e menaxhimit të cilësisë i cili bazohet në legjislacionin në fuqi, standardet ndërkombëtare dhe procedurat mbështetëse dhe teknike.
2. Drejtori i Përgjithshëm dhe Udhëheqësi i Divizionit për Cilësi mirëmbajnë dhe menaxhojnë zbatimin e sistemit të menaxhimit të cilësisë përmes auditimeve të brendshme, kontrollit të cilësisë, matjes së performancës së punës, listave të kontrollit të cilësisë, inspektimeve dhe korigjimeve e përmirësimeve që bëhen.
3. Institutit harton udhëzuesin e cilësisë dhe dokumentet tjera në pajtim me standardet ndërkombëtare të cilat miratohen nga Drejtori i Institutit.

Neni 17/C Paanshmëria dhe shmangia e konfliktit të interesit

1. Punonjësit e Institutit janë përgjegjës për ofrimin e paanshëm të ekzaminimeve mjeko ligjore. Institutit i garantohet e drejta për veprimtari objektive dhe të paanshme.
2. Punonjësit e Institutit janë përgjegjës për kryerjen e ekzaminimeve mjeko ligjore në pajtim me këtë ligj dhe standardet ndërkombëtare.
3. Institutit identifikon rreziqet për paanshmëri në mënyrë të vazhdueshme. Kjo përfshin ato rreziqe që rrjedhin nga aktivitetet e tij, ose nga marrëdhëniet e personelit të tij.
4. Eksperti i mjekësisë ligjore e njofton institucion përkatës se ka konflikt interesi për të kryer ekzaminimin mjeko ligjor, në qoftë se:
 - 4.1. është vetë palë, përfaqësues i palës, apo në qoftë se me palën ka ndonjë interes financiar;
 - 4.2. me palën ose me përfaqësuesin e saj është në lidhje gjaku në vijën vertikale deri në cilëndo shkallë, kurse në vijën horizontale deri në shkallë të katërt;
 - 4.3. në qoftë se është bashkëshort, apo gjini e krushqisë deri në shkallë të dytë, pavarësisht nëse martesë ka pushuar ose jo;

4.4. është aksionar apo anëtar i personit juridik që është palë në procedurën e iniciuar me padi; si dhe

4.5. ekzistojnë rrethana të tjera që e vejnë në dyshim paanësinë e tij.

5. Në rast të ekzistimit të rrethanave të përcaktuara me paragrafin 4 të këtij neni, eksperti mjeko ligjore e njofton mbikëqyrësin e drejtpërdrejt. Mos lajmërimi i konfliktit të interesit nga ana e ekspertit mjeko ligjor përbën bazë për inicimin e procedurës disiplinore.

Neni 11

Neni 18 i Ligjit bazik paragrafi 1,2, 3 dhe 4 fshihen dhe riformulohet si në vijim:

Misioni i EULEX-it ka mandat mbikëqyrës, këshillëdhënës dhe mentorues në Institut, siç përcaktohet në Marrëveshjen që i referohet Misionit të EULEX në Kosovë.

Neni 12

Neni 19 i Ligjit bazik, pas paragrafit 1 shtohet paragraf i ri si në vijim:

1a. Aktet nënligjore të parapara me këtë ligj do të nxirren në afat brenda gjashtë (6) muajve prej ditës së hyrjes në fuqi të këtij ligji.

Neni 13

Hyrja në Fuqi

Ky Ligj hyn në fuqi pesëmbëdhjetë (15) ditë pas publikimit në Gazetën Zyrtare të Republikës së Kosovës.

Ligji Nr. 08/L-199
13 korrik 2023

Shpallur me dekretin Nr. DL-143/2023, datë 01.08.2023 nga Presidentja e Republikës së Kosovës Vjosa Osmani-Sadriu